

www.banglainternet.com

Munier Chowdhury

Feat. colomn

play

From - Palashi Barrack O Anyanya (1969)

ফিট কলাম

চরিত্র :

সুটটাই-পরা ভদ্রলোক

বিয়োজ

লতিফ

বিকশাওয়ালা

দোকানী

রসিক

মুছলী

ফকড়

পাণ্ডা

চশমাধারী

অভিনেতা

বোরখা-পরিহিতা

[কাল : ১৯৪৮ ইং ।

হান : আদিম ঢাকা বেখানেে নয়া শহরের সঙ্গে পলাগলি করে পড়ে আছে সেই রমনা-বেগমানবান্দারের সংযোগস্থল । তেমাধার এক মুখে পুরাতন বেতার ভবন, অল্প দিকে বিশ্ব-বিদ্যালয়, তার উণ্টো দিকে বাজুঘর ।

দৃষ্ট : হকের পেছনের দিকে কার্টের ফ্রেমে টিন গেঁথে দাঁড় করান একটা উচু বড় পানবিড়ির হোকান । হোকানী বিড়ি তৈরী করছে । একজন চশমাধারী দিগ্বরেট কিনছে । হোকানের সামনে একটা রিক্শা দাঁড় করানো, হয়তো গওরারীও হোকান থেকে কিছু নেবে ঠিক করেছিল ।

পর্দা উঠবে একটা অসংকরকর উত্তেজনাপূর্ণ মুহূর্তে । রিক্শার স্টটাই পরা ভদ্রলোক নাকিয়ে পড়ে লুপি-গেঞ্জি পরা এক লোককে আক্রমণ করেছে । রিক্শার ওপর আগাগোড়া বোরখায় মুড়ি দেয়া একটি মাহমুদী—পাথরের মতো নিশ্চল হয়ে বসে আছে ।]

স্টটাই : বদমাশ ! খুন করে ফেলব তোমাকে !

রিক্শাওয়াল : (নাহেবের মুষ্টিবদ্ধ উত্তত হাত ধরে বেনে) আরে আরে সাব করেন কি, করেন কি ? মানুষডারে একদম গাইলা ফালাইবেন না কি !

ধরাশায়ী : ফিরোজ মিয়া, ফিরোজ মিয়া !

[এই আস্থানে সাজা দিয়ে ফিরোজ মিয়া নামে যে জিকলিক লোকটা এগিয়ে এল, তার গায়ে কিনকিনে পাঞ্জাবী, বুক বাহতে কাঁখে টিকনের কাছ করা । পায়ে বাবিশের নাল

পাম্প-স্ব, পরনে জমকালো বোম্বাই সুপ্তী। নাকের নীচে ছুদে অথচ গোটা গোঁফ; ছুঁধার মোমে হাজা, ছুঁচোলো এবং ফলা ঠঁটানো। অনববত হাত-পা ছোঁড়ে এবং হাত-পা গোটায়ে, পানির ভেতর চিংড়ি মাছের মতো। ভিড়ি, বিড়িঃ চন্দনবগন। কথা শেষ না করেই একটু পেছনে সরে একটা ঘুরপাক দিয়ে আসে, এসেই আবার একটুখানি ভেঙে হুঁতখি করে, করেই থেমে যায়। অঙ্গভঙ্গি করে, মুখ বানায়, উপড়ে ফেপার ভাব নিয়ে পৌঁছের ফলায় টান দেয়।]

ফিরোজ : (রিক্শাওয়ালাকে) ব্যাটা এটা কি গোলাপের বঁটু পেয়েছিস নাকি! কব্জি ভাল করে ঠেসে ধর। আরে ঘুমিটা ছুটে বেরিয়ে গেল যে! (সাহেবকে) বলি সাহেব, এটা কি, এটা কি হচ্ছে? সদর রাস্তায় পড়ে এসব লপ্টালপ্টা কিসের? কুস্তি লড়ছেন না কি? রাস্তাটাকে কি আখড়া পেয়েছেন? (ধাশায়ীকে) আরে, এ যে দেখছি লতিফ মিয়া! কটপট উঠে পড়ছে না কেন? কোলা ব্যাঙের মতো হাত-পা ছড়িয়ে সদর রাস্তার চিংপাং হয়ে পড়ে রয়েছ যে, ব্যাপার কি? দিনেছপূরে আসমানের তারা পহরা দিচ্ছিলে না কি?

[এলোমেলো হাত পা ছুঁড়ে ফিরোজ মিয়া ধাশায়ী লতিফ মিয়াকে সাহেবের আক্রমণ থেকে বাঁচাতে চেষ্টা করে।]

সুটটাই : এক ঘুমিতে তোমার চোখে আমি সর্বেফুল ঝরিয়ে দেব। বদমায়েশির জায়গা পেলেনা আর!

রিক্শা : (নেমে পড়ে দুহাত দিয়ে বাধা দেয়) যা মারছেন, হেই বজ্ব হইছে। মালুজারে একদম ফাক্কী কইরা ফালাইবেন নাকি?

[পানওয়ালো ভাল স্বাস্থ্য, রগিক লোক। খালি গা, নাভির নীচে লুগির গেরো। অতাবনীয় ঘটনার সমষ্টি নিয়েই যে স্বাভাবিক ছুনিয়া, এই উপলক্ষিতে তার সমস্ত চোখমুখ ককমক করছে। দোকানের ওপর দাঁড়িয়ে চীংকার করে মন্তব্য করে।]

দোকানী : হালায় একদম বাইলা মাছ বইনা গেছে এখন। ওয়াখত জানস না, মওকা বুকস না, হামলা করস কান। মর এখন!

[খুব মিরীহ পণ্ডিত গোছের চশমাপরা বিশ্ববিদ্যালয়ের যে ছাত্রটি এক হাতে এক গাদা মোটা মোটা বই চেপে ধরে অন্য হাতে আঙনের দড়ি থেকে সিগারেট ধরাচ্ছিল সে আঙতে আঙতে এগিয়ে এসেছে।]

সুটটাই : (এখনও লতিফ মিয়াকেই) হারামজাদকির জায়গা পাওনা আর! বোরখা-পরা আওরতের মুখের সামনে বিড়ি উঁচিয়ে তুমি আমার কাছে আঙনের খোঁজ করছিলে, না?

ফিরোজ : আওরৎ? আওরৎ!

লতিফ : (কোনক্রমে আক্রমণকারীর আওতার বাইরে হাটে গিয়ে মাথা পিঠ লুগি কাড়তে থাকে।) কাজটা খুব ভাল হল না সাহেব। আথেরে অনেক পস্তাতে হবে সাহেব, এই বলে দিলাম।

দোকানী : হালায় দেখি আবার বুলিও কপচায়। থিচক্ যা, থিচক্ যা! সময় থাকতে থাকতে কাইটা পড় হালায়!

ফিরোজ : আওরৎ! আঙনের জন্ত আওরতের কাছে যাবে কেন? আপনাকে এখনও ছঁসিয়ার করে দিচ্ছি, বাড়াবাড়ি করবেন না। আপনি জানেন আমি কে?

সুটটাই : (হাতে দাঁত চেপে মারাম্বাণ ভদ্রীতে এগিয়ে আসতে আসতে) ওটার স্যাংগাত বুঝি? আরেকটু কাছে এগিয়ে এসো তো বাছাধন, এতদূর থেকে ভাল করে চিনতে পারছি না তোমাকে।

ফিরোজ : (চীৎকার করে) ভাল হবে না, ভাল হবে না বলছি
সাহেব। পুলিশ! পুলিশ! পুলিশ! (পকেট হাতড়ায়)
শালার গাঁঠকাটা ছইসিলটা আবার খসাল কখন ?

দোকানী : এই চিজ আবার কৌপনদালালি করে ক্যান ? তুমি
কেউগা ? মাঝখান থাইকা তুমি আবার পাঁচাল শুরু
করলা ক্যান ?

সুটটাই : পুলিশ! পুলিশ তো আমিও খুঁজছি। ইতিমধ্যে
তোমার নাকের হেঁদা ছোটো যদি আমি ঘুখিতে চিরকালের
জন্ম বন্ধ করে দি ? শুধু মুখ দিয়ে শৌরাস টেনে টেনে
ছইসিল ফুঁকতে পারবে না ? ধান্নাবাজির আর লোক
পেলে না! আমার সামনে পুলিশের লোক সেজে
ধোঁকা দিতে চাও!

দোকানী : (কিয়োম মিমার উদ্দেশ্যে) পুলিশের ভাইকী ? সাবাস
মিয়া, এইটা জব্বর বুদ্ধি ঠাওরাইছ!

[শাস্ত গভীর মুখে ছাত্রটি অনেকক্ষণ ধরে বোধধারীকে
বেশ খুঁটিয়ে দেখছিল। সুটটাই পরা তহসীলকেও। ওদিকে
ত্রিশাওয়ালাস সবে ততকণে আরও একজন মুছুরী গোছের
টুপীপরা পঞ্চচারী বোগ দিয়েছেন। সাহেবকে তারা প্রাণপণে
সামলাতে চেষ্টা করছেন আর সাহেব কোনো বাধাই মানতে
চাইছেন না।]

মুছুরী : আখের ব্যাপারটা কি হয়েছে ? আপনি অত উত্তেজিত
হয়ে উঠেছেন কেন ? একটু শাস্ত হয়ে বলুন কি হয়েছে।
লোক ছোটো তো আর পালিয়ে যাচ্ছে না!

ফিরোজ : পালাব, পালাব কেন, যুদ্ধ লেগেছে না কি ? সরকারের
হুন ধাই না আমরা ?

লতিক : (ঘাড় টিপতে টিপতে) খুব পাহলোয়ান হয়েছেন। চিট,
সব চিট করে দেব আজ!

সুটটাই : চোপরাও! বদমাশ কাঁহিকা ? বিড়ি ধরাবার উছিলা
করে তুমি মেয়েমানুষের বোরখা ওপ্টাতে চাও, আবার
পান্টা এখন সাধু সেজে বুলি ঝাড়ছ। হাড় কখনা আস্ত
রাখতে সাধ নেই বুঝি!

[বেতার কেন্দ্রের পৌখিন অভিনেতা একজন : হাউই গার্ট,
মিল্ক পাংলুন। জেপের জুতো, চোখে শেলের ভারী বড়
গগনস। বিশ্ববিজ্ঞানদের ছাত্র কয়েকজন, একজন একটু বন্ধুড়
গোছের, একজন রাজনৈতিক পাণ্ডা, একজন একটু কবি-কবি
ভাবের, অন্তরজন চালাকচতুর রসিক তরুণ। ক্রমে ক্রমে ঘটনাস্থলে
চারদিকে লোকের ভিড় বাড়ছে।]

ফক্কড় : ব্যাটা দেখছি আচ্ছা আহাম্মক! এই ভরজুপুরে সদর
রাস্তায় কেউ শিকার খুঁজতে বার হয়! আওরং না
মরদ তার নেই পাজা। কাপড়ের ফুটো দিয়ে দেখেছ
তো কেবল একজোড়া চোখ! সেই ছফালি মজরের
তীরেই একেবারে নিওয়ানা বনে গিয়েছিলে না কি ইয়ার ?

রসিক : আখির বাণের পর এবার রুলের গুঁতো আসছে।
সইতে পারবে তো বাছাখন ? মারধর করে লাভ কি
সাহেব, হাজতে পাঠিয়ে ছান ব্যাটাদের। অমন গুণধর
গ্রেম-পিয়াসীদের আমরা নাহর মিছিল করে পৌঁছে
দিয়ে আসব।

চশমাধারী : কে, রশীদ ভাই না!

সুটটাই : আরে, তুমি যে!

চশমাধারী : দাড়ি শেভ করে ফেলেছেন বলে অনেকক্ষণ চিনতে
পারি নি। কিন্তু হাতের ঐ কবজি আর পাঞ্জা একই
শহরে ছোটো কোথেকে আসবে! এখানে দাড়িয়ে
মিছেমিছি আর সময় নষ্ট করবেন না। লোক ছোটোকে

- আমরা দেখছি। আপনি যান। এই রিক্‌শাওয়ালা, চালাও।
- মুছল্লি : হ্যাঁ হ্যাঁ। আপনি বরঞ্চ চলে যান, সঙ্গে মেয়েছেলে রয়েছে। এই, তোমরা আবার সটকে পোড়ো না যেন!
- ফিরোজ : (লতিফকে) টুকে রাখ, নামটা টুকে রাখ। রশিদ মিয়া, আগে দাড়ি রাখত। (মুছল্লিকে) কি বললেন? আমরা সটকে পড়ব?
- লতিফ : আমাদের কি ঠাউরেছেন? হ্যাঁ, পালাব কেন?
- ফিরোজ : এই রিক্‌শাওয়ালা, ভাগে মং। আমরা পালাব? আমরা পালাব! পালাবার জরুরং দেখছি আপনাদেরই বেশী। অন্তত: খুব জলদি জলদি সে তাগিদ অনুভব করবেন।
- মুছল্লি : কি বলছেন আপনারা?
- দোকানী : হালারা দেখছি একেবারে ঘাউড়া পদের হারামি! জানের ডর নাই একদম! দেখছনি কি রকম ঘাড়ের রগ টান কইরা আবার পান্টা টিখবার পাড়বার লাগছে। এত বাৎ ঝাড়নের হিম্মৎ হইল ক্যামনে হালাগো!
- সুটটাই : (আবার আত্মি গুটিয়ে) তোমার দাঁতকপাটি একটু বেশী দেখা যাচ্ছে মিয়া। আরেকবার রা করেছ কি মিয়া মুখের দরজাটা একবারে খেঁভলে মিশ করে দেব!
- ফিরোজ : গায়ে হাত তুলবেন না সাহেব, খবরদার! জানেন আমরা কারা?
- সুটটাই : কে ফেরেশতা নাকি? দেবি!
- লতিফ : সব জারিজুরি এখন ছুটিয়ে দেবো না!
- ফকড় : শালাদের দেখছি বড় বুদ্ধের পাটা। দিনে হুপুরে সদর রাস্তায় বোরখার গাঁঠের দিকে নজর তাক করে থাকবে,

- আবার ধরা পড়লে পান্টা জমকীও দেবে! কোনো গভর্ণমেন্টের লোকটোক নয় তো?
- ফকড় : সিভিলসাপ্রায়ের মন্ত্রী-শালার আত্মীয়-কান্ধীয় হবে হয়তো। কে জানে!
- ফিরোজ : (গোঁফে হাতকা টান দিয়ে) আমরা সি আই ডি-র লোক।
- লতিফ : হ্যাঁ হ্যাঁ সি আই ডি-র লোক। ফিরোজ মিয়া কার্ড-কার্ডগুলো একবার ফস করে এক নজর সাহেবদের দেখিয়ে নেও তো। চোখ ছানাবড়া বনে যাবে!
- মুছল্লি : সি আই ডি-র লোক!
- অভিনেতা : এ পীক সিচুএশন। সি আই ডি-র লোক। চূপ করে দাঁড়িয়ে রইলেন কেন মৌলবী সাহেব? একটা প্রচণ্ড চপেটাঘাতে সাউও সিকোয়েনসটা কমপ্লিট করে ফেলুন। বলে কিনা সি আই ডি-র লোক!
- ফকড় : এইটা খাসা বলেছ বাবা, সি আই ডি-র লোক। তা গোয়েন্দা পুলিশের পো, বোরখার আড়ালে আবডালে ঘোরাকেরা করছিলে কিসের তল্লাশে, সেটা কি শুধু স্টেটের খাতিরে, না নিজেরও কিছু গরজ পড়েছিল?
- রসিক : বাবা রূপের আগুন বড় গণগণে। একবার হেঁয়াচ লাগলেই পুড়ে ছাই হয়ে যেতে। তা বাবা তুমি নিজের নিরাপত্তা বিপন্ন করে রাষ্ট্রের নিরাপত্তার জন্ম এত বেচাগেন হয়ে উঠেছিলে কোন আক্কেলে! ভেঁপোমির জায়গা পাও না আর, সি আই ডি-র লোক! এক চড়ে যুগু খসিয়ে দেব।
- পাণ্ডা : এই, এতটা টেম্পার দেখানও ঠিক নয়। তুমি কি করে জানো যে ওরা সত্যি সত্যি সি আই ডি-র লোক নয়। প্রমাণ পেয়েছে কোনো?

চশমাধারী : এটা মন্দ বলেন নি আপনি। দিনে ছুপুরে সদর রাস্তায় মেয়েমানুষের বোরখার প্রাস্ত ধরে যারা আকর্ষণ করতে চায় তারা যে রাষ্ট্রের আদত খিদমতগার নয়, এ কথা প্রমাণ করা সত্যি কঠিন।

ফক্কড় : বাবা সি আই ডি-র লোক না হয় বুকলাম। বোরখা ছাড়া বুকি বাছাধন রাষ্ট্রের শত্রু আর কোথাও খুঁজে পোলে না? দেলের ছুমনের তজ্ঞাশে আছ সে কথা বলে ফেললেই হয় বাপু!

মুছল্লী : সি আই ডি-ফি আই ডি বুকি না। কোন মতলবে মেয়ে মানুষের বোরখায় হাত ওঠালে সেটা এখনও ভাল করে না বলতে পারলে মেরে একেবারে বোবা বানিয়ে ছাড়ব।

ফিরোজ : আমরা সি আই ডি-র লোক। আপনি কার্ড দেখতে চান?

লতিফ : হ্যাঁ হ্যাঁ ঠিক তাই। না না। তা কেন হবে? আপনাদের কার্ড দেখাতে হবে কেন? কার্ড আমরা কাউকেই দেখাই না।

ফিরোজ : হ্যাঁ। তাইতো! সরকারের গোপন কাগজ রাস্তায় বিজ্ঞাপনের মতো সবাইকে দেখিয়ে বেড়াব না কি? যা বলি তাই বিশ্বাস করতে হবে।

লতিফ : এই রাস্তা দিয়ে যে রাষ্ট্রের কত শত্রু সকাল-সন্ধ্যা গা-ঢাকা দিয়ে আনাগোনা করে আপনি সে খবর রাখেন?

ফক্কড় : কিন্তু বাবা ঐ বোরখায় ঢাকা গোশতের বোঁচকাটাই যে রাষ্ট্রের শত্রু এটা তুমি খালি চোখে ঠাহর করলে কি করে? শুঁকে শুঁকে আন্দাজ কবেছ না কি?

মুছল্লী : সি আই ডি-র লোক বলেই তুমি তো আর হায়ওয়ান জানোয়ার নও। পর্দা আক্রমণ সব দলে মাড়িয়ে চলবে তোমরা?

পাশা : এটা আপনি কি বলছেন মৌলবী মাহেব! রাষ্ট্রের নিরাপত্তার জ্ঞান জান কোরবান করতে হবে। আর পর্দাপুসিদার ভীতুতা দিয়ে জ্বমনরা মজা লুটে নেবে?

দোকানী : হায়, হায়, এইটা কি কন সাব, মাইয়া মানুষ স্মায়ে ফিট কলাম বইনা গেল? ওস্তাদ, এইটা ভাল মওকা হইচে, ফিট কলাম মাল হইলে আর এত বেচারনী কিসের, লুইটা লও, লুইটা লও!

রসিক : এইটে বেড়ে যুক্তি হয়েছে। সদর রাস্তায় আওরতের বোরখা উন্মোচিত করে অন্তরঙ্গ হও, আর ফিফথ কলাম, ফিফথ কলাম বলে চাঁচাতে থাক। সরকার এসে মোবারকবাদ জানিয়ে যাবে।

মুছল্লী : বদমাশ! সি আই ডি-র ভড়ং ধরে ভেবেছ রেহাই পাবে? এখনও স্পষ্ট করে জবাব দাও আওরতের বোরখার গায়ে হাত লাগিয়েছিলে কেন? যদি ঠিক মতো জবাব দিতে না পার এইখানে ক্যান্ড পুঁতে ফেলব।

ফিরোজ : আওরৎ, আওরৎ কে? আপনি কি টিপেটুপে দেখেছেন যে বলে ফেললেন ওটা আওরৎ?

লতিফ : আপনি বুকলেন কি করে যে ওটা মেয়েমানুষ? আমি তো সেটা যাচাই করে দেখবার জ্ঞান মুখের কাছে চোখ এগিয়ে নিয়ে যাই।

ফিরোজ : জানেন না ঐ শালার ফিফথ কলামরা সব বহুঙ্গণী। হাজাব রকম ভ্যাংচা ধরতে জানে?

লতিফ : কত জোয়ান মর্দ ঠোঁটে রং মেখে, কোমর ছলিয়ে,
পুলিশের চোখে ধুলো দিয়ে আমাদের আঙুলের কীক
দিয়ে গলিয়ে গেছে। সে সব খবর রাখেন আপনারা ?
[এই মতুন সন্দেহে সখাই বোরখাধারীর দিকে হা করে
তাকিয়ে থাকে। বিশ্বাস ও সন্দেহ মিশ্রিত দৃষ্টি।]

অভিনেতা : হোয়াট এ টেনশন! কেউ ক্রীমিক করছেন না কেন!
নির্দেশনাপক্ষে বোরখাধারীর চৈতন্য লোপ!

দোকানী : হাচই তো। কেমন যেন একটু বেশী তাগড়া আর
ডাগরডোগর মান্নুম হইতাছে।

ফক্কড় : মাইরী, আলগোছে একবার ছুঁয়ে পরখ করে নেব
না কি ?

রসিক : পরোয়া কিসের ? ফিফথ কলাম সন্দেহই যখন একবার
করলি তখন তাকে পুঁজি করে যত খুশী ঘাঁটার্খাটি কর
না কেন, সরকারী ফতোয়া ঠিকই অনুমোদন করবে।
আওরং হলে কি হবে, ফিফথ কলাম বলে যখন মনে
হয়েছে তখন সরকারী ভাবে সবই হালাল।

ফিরোজ : এই লতিফ, হাঁ করে দাঁড়িয়ে রয়েছ কেন ? মওকা বুকে
চাকনাটা একবারই উন্টে দেখে নিয়ে কেটে পড়ছ না
কেন ?

লতিফ : হ্যাঁ হ্যাঁ দেখছি। দেখি ভিড় পাতলা করুন। আপনারা
আর এর মধ্যে বেশী মাথা গলাবেন না। আমাদের
দায়িত্ব আমাদের পালন করতে দিন। দেখি, দেখি,
আপনারা সব সেরে দাঁড়ান দেখি।

দোকানী : লাগুস কি বামচোত্তের! কাউরে বখরা দিবার চায় না
বুঝি।

সুটটাই : বোরখার ওপর হাত দিয়েছ কি আমি পড়পড় করে

তোমার গায়ের চামড়া উপড়ে ফেলব। গা খালাতে
চাও, এগিয়ে এসো।

মুহন্নী : কতী নেহি। নিরাপত্তার বাহানা করে আওরং বেপর্দা
করতে চাও ? গর্দান ছিঁড়ে ফেলব তোমার।

চশমাধারী : সি আই ডি না বাটপাড় কোথাকার! মারের হাত
থেকে বাঁচবার জন্ত এখন যতসব ভাঁওতা খুঁজছে।
(মুহন্নীকে) আপনি ঐদিকে ঠিক হয়ে দাঁড়ান তো, আমি
ঐদিকে রয়েছি। বোরখা ছুঁয়েছে কি হাড় কখানা
গুঁড়ো করে ফেলবেন।

ফিরোজ : কী, এত বড় হুমকি ?

লতিফ : ওস্তাদ, ঐ চশমাটাও নিশ্চয়ই ঐ দলের। চেহারাটা
মনে মনে টুকে রাখছি।

ফিরোজ : (উদ্বেগনার পক্ষে, বক্তৃতার ক্ষে) ভাইসব! রাষ্ট্র আজ
এখনও শিশু—

লতিফ : শিশু কি, বল গর্ভজাত। রাষ্ট্রের শত্রু ফিফথ কলামদের
পেটে খুলে আছে, হাত পা মুচড়ে!

ফিরোজ : থাম ভুই। আহাম্মক কোথাকার। ভাইসব—

পাগা : থাম ভুনি। আমি বলছি। (চশমাধারীকে) আপনি কি
করে বুকেলেন যে ঐ বোরখাধারী রাষ্ট্রের ছদ্মন নয়,
ছদ্মবেশধারী কোনো ফিফথ কলাম নয় ?

ফক্কড় : স্বপ্ন স্বপ্ন দিয়ে একটু আগে চোখ জুটো দেখা যাচ্ছিল!
তখন ঠারেরুঁরে কোনো পরিচয় হয়ে গেছে কি না
কে জানে!

রসিক : যা: কি ফাজলেমি করছিস! দেখছিস না ব্যাপারটা কী
রকম সিরিয়স টার্ন নিচ্ছে। হোক না মেয়েমানুষ, তবু
সবটা জানতে হবে তো। যদি সত্যি সত্যি ফিফথ কলাম

হয়—অস্তুত; সন্দেহ যখন হয়েছে তখন লুৎফ উঠিয়ে
জবাই করব না কেন ?

ফকরু : অত সব বৃষ্টি না বাপু। কলাম তো দেখছি একটা,
দিব্যা তাজা এবং পুরুষ্টে বলেই বোধ হচ্ছে। শুধু
বোরখা দিয়ে ঢাকা এই বা আকসোস।

মুছল্লী : ওসব ফিটকলামী সি আই ডি-ফিআইডির জারিজুরি
আমার সামনে চলবে না। আমি যতক্ষণ জিন্দা এই
মাটির ওপর দাঁড়িয়ে আছি ততক্ষণ ঐ বোরখার আক্র
নষ্ট করে এমন সাখি কারও নেই।

পাণ্ডা : ধর্মান্বেগে আপনি বেশী উত্তেজিত হয়ে পড়েছেন
মৌলবী সাহেব। ভুলে যাচ্ছেন নেতার বাণী : পঞ্চম
বাহিনীর হাত থেকে রাষ্ট্রকে বাঁচাবার জন্য আমাদের
নির্মম হতে হবে।

ফিরোজ : (মুছল্লীকে) শরিয়তের বুলিতে আপনার চোখ ধোঁধে
পেছে। আপনি বুঝতে পারছেন না মৌলবী সাহেব
আপনি কাদের খপ্পরে গিয়ে পড়েছেন।

লতিফ : দেখি দেখি একটু সরে দাঁড়ান তো, আমি এখনই পরীক্ষা
করে দেখছি, মরদ না আগরং।

সুটটাই ও মুছল্লী : (এক সংগে গর্জন করে ওঠে) খবরদার।

ফিরোজ : ভাইসব! পঞ্চম বাহিনীর কারসাজি একবার চোখ মেলে
দেখুন। দেখুন কি কৌশলে তারা প্রয়োজন হলে
শরিয়তের খোলস পরে জনতার চোখে ধুলা দেয়।

লতিফ : এরা গুণ্ডার ওপরও টেঙ্কা দিতে ওস্তাদ।

ফিরোজ : চূপ করো, আহাম্মক কোথাকার! ভাইসব! আমরা সি
আই ডি-র লোক—জাতির মেরুদণ্ড, রাষ্ট্রের নিরাপত্তার
প্রধান হাতিয়ার, আমরা গোয়েন্দা পুলিশ। দেখুন,

আপনাদের চোখের সামনে, এই পঞ্চম বাহিনীর দল
আমাদের পর্যন্ত কি রকম নাস্তানাবুদ করে ছাড়ছে।
নিজের চোখের ঠুলি খুলে ফেলুন, চিনে রাখুন
এদেরকে।

লতিফ : (আরও উত্তগ্রাসে) জেনে রাখুন এদেরকে! এদের বুলি
মধু মাখানো, কিন্তু এরা দায় বিব। এদের মুখে মুখোশ,
বুকে কাঁদ পাতা। এদের মনে বোরখা, দেখে বোরখা।
এদের চিনে রাখতে হলে বোরখা খুলে ফেলতে হবে।
(আরো টীৎকার করে সোপানের চচে) বোরখা—

পাণ্ডা : }
ফিরোজ : } (সবাই একসঙ্গে) খুলে ফেলতে হবে!
লতিফ : }

[মুছল্লী, চণমাধারী ও সুটটাই পরা ভঙ্গলোক এবং আরও
অনেকে, বাধা দেবার জন্য রিক্শার সামনে প্রস্তুত হয়ে দাঁড়ান।
কিছুক্ষণের জন্য মাল্গের ভিড়ের আড়ালে রিক্শা ঢাকা পড়ে যায়।]

পাণ্ডা : (এগিয়ে এসে) বোরখার মুখটা একবার একটুখানি উল্টে
সবাইকে এক নজর দেখিয়ে দিতে আপনার এত
আপত্তি কিসের!

সুটটাই : এক শ' বার আপত্তি আছে। আপনি সন্দেহ প্রকাশ
করবার কে? আপনি কে?

পাণ্ডা : আমি? আমি স্টেটের হিতাকাঙ্ক্ষী।

সুটটাই : আহা হা, কি কথা শোনালেন। কাজেই আপনার
সামনে আমার বিবি-বেটির বোরখা সব সময় উল্টে ধরে
রাখতে হবে, না?

মুছল্লী : কভি নেহী। ইচ্ছত শরম আক্র সব আপনি কিনে
নিয়েছেন না কি?

অভিনেতা : সিন্টিশনটা এত ঘোরালো না করে সাহেব বোরখাটা একটু নেড়ে চেড়ে দেখালে মহিলার অঙ্গ তো ফ্যে যাচ্ছে না!

মুছল্লী : এটা ইংলিস্তান নয়, পাকিস্তান। ইসলামিক স্টেট। যার খুশি সে মুখ বুক উল্ল দেখাক। কিন্তু যে তা চায় না, তার ঈমান আমি শেষ রক্তবিন্দু দিয়ে লড়ে রক্ষা করব।

রসিক : এক নজর একটু দেখতে দিলে কিছু এসে যেতো না। একেবারে অস্বর্ষ্পশ্য হয়েতো মন।

দোকানী : একটু চাখবার দিলে আপনি যদি আরও বেশী বায়না ধরেন! লাগুসে লালুসে যদি আপনার বাইড়া যায়?

ফকড় : লোকটাই বা বোরখা একটুখানি গুটীতে এত মারমুখে হয়ে বাধা দিচ্ছে কেন? মেয়েটি তো দিব্যি শাস্ত্র স্মার্ট ভঙ্গীতে সেই থেকেই বসে আছে। একটুও ঘাবড়েছে বলে মনে হয় নি।

রসিক : কে জানে হয়তো ইলোপ করে নিয়ে যাচ্ছে। পালাবার পথে এই ঝামেলা। বোরখা সরালে যদি হঠাৎ কেউ চিনে ফেলে সেই ভয়ে এত হাঁকডাক শুরু করেছে।

ফিরোজ : ভাইসব, এখনও আপনারা সময় থাকতে সংঘবদ্ধ হন। আমাদের নেতা বলেছেন—একই আমাদের রাষ্ট্রের মূল বুনয়াদ।

লতিফ : ইনকালাব—

ফিরোজ : চোপরাও, আহাম্মক কোথাকার!

পাণ্ডা : আপনি তাস্তলে সত্যি বোরখা তুলে আমাদের পরখ করতে দেবেন না?

সুটটাই : অসম্ভব।

মুছল্লী : কভি নেহী।

চশমাধারী : মগের মুলুক পেয়েছেন? গুণ্ডার খায়েশ মেটাবার জন্ত ফিকখ কলামী জুজুর ভয় দেখালেই বিবিব মুখের পর্দা আপনার সামনে তুলে ধরব?

পাণ্ডা : (তারত্বের বক্তৃতা) ব্রেদারানে ইসলাম! এই চশমাধারী লোকটাকেও আপনারা চিনে রাখুন। এর কথার চং হিন্দুস্তানের কুচক্রী নেতাদের মতো। এ পাকিস্তানে অবিধাসী, বৃক্তবলের উপাসক। আমাদের রাষ্ট্রের কল্যাণকে এ যুবক মশ্ করা করে। এর জবাব দেবেন না আপনারা?

ফিরোজ : জরুর, জরুর!

[বেতারকেন্দ্রের একজন মহিলা-শিল্পী অভিনেতার পাশে এসে পাড়িয়েছেন।]

মহিলা : ব্যাপার কি?

অভিনেতা : পঞ্চম বাহিনীর বিচার এই শুরু হোলো বলে। এখন এখানে আপনার না থাকাই বোধহয় ভাল।

ফিরোজ : ভাইসব, আপনারা সব খামোশ কেন? জনসাধারণের গভর্নমেন্ট, গভর্নমেন্টের হাতিয়ার, সেই হাতিয়ারের ধার—আমরা সি. আই. ডি.র লোক—সেই আমাদের ধার যারা ভেঁতা করে দিচ্ছে তাদের ছশ্মনীর সমুচিত জবাব দেবেন না আপনারা?

লতিফ : নারায়ে তকবীর—

পাণ্ডা : খামোশ। ব্রেদারানে ইসলাম, রাষ্ট্রের নিরাপত্তার নামে আমি আহ্বান করছি আপনাদের। আগরত-মরদ, শপ্পিগত-বেশরিগত, ইজ্জত-বেইজ্জত, আক্র-বেআক্র কোনো সওয়াল এখানে পরদা হতে পারে

- না। জোর কন্ঠে এগিয়ে আসুন, সবাই কসম করুন,
রাষ্ট্রের শত্রু নিপাত যাক—
- লতিফ : বোরখা আমরা খুলে ফেলবই।
- পাণ্ডা : এগিয়ে এসে সবাই মিলে দেখুন বোরখার অন্তরালে
কি বিবধর পঞ্চম বাহিনী গা-ঢাকা দিয়ে পালাতে
চাইছে। আসুন—ইনকালাব—
- দোকানী : (চীৎকার করে) ভাইসব, আমার গুঁটা কথা আছে।
ফিটকলাম ষ্টেটউড আমি বুঝি না। আমি খালি
কইবার চাই আওরতের গায়ে মরদ, সোয়ামী না হইলে,
কোনো বেগানা মরদই হাত লাগাইবার পারে না।
- ফিরোজ : তোমার ভাবির বন্ধ কর এখন।
- দোকানী : ছেনে আমার কথা মিয়ারা। যদি বোরখা তুইলা হাচই
পরীক্ষা করন লাগে তবে ও-ই হেই কোপে, আর গুঁটা
আওরৎ খাড়াইয়া রইছে। হেয়ারে কন আউগাইয়া
খাড়াইতে। তিনি গিয়া লাইড়া-চাইড়া দেখুক হাচই
বোরখা পইরা মাইয়া না পোলা। এইটুকুনই আমার
কথা, রাজী আছেন হগলে!
- অভিনেতা : ক্যাপিটাল। কী গভীর নাটকীয় অনুভূতি! কী
অদ্বুত উদ্ভাবনী শক্তি!
- রসিক : ইতস্ততঃ করছেন কেন? যান আপনি, তাড়াতাড়ি
করুন। যে কোনো রকম একটা সুরাহা তো হোক!
- ফরুজ : শুধু চোখ মুখ দেখে ঠাহর করতে পারবেন না। সারা
শরীরে নজর ডালেন যেন।
- পাণ্ডা : লজ্জা কিসের? রাষ্ট্রের খেদমত করতে গেলে, পঞ্চম-
বাহিনীর পঙ্গুসমূহে এসব লজ্জা-সঙ্কেচ বিসর্জন দিতে
হবে বৈকি। সেখানে আমরা ধনী-নিধন, ছোট-বড়,

মেয়েপুরুষ সবাই যে সমান, ঐক্যবদ্ধ। আসুন,
আসুন—

- লতিফ : এই, দেখি দেখি, সবাই একটু সরে দাঁড়ান দেখি। এই
দিক দিয়ে আসুন, এই দিকে—একি—এ্যা!!
- ফিরোজ : সোবহানাব্রাহ! এরি মধ্যে আওরৎ-গায়েব হোলো
কোথায়—

[ছুরারে লোকজন সরে গেলে দর্শকবৃন্দও এবার খালি
রিকমাটা দেখতে পাবে। পোলমালের মধ্যে সবার অনশ্চে
বোরখাধারী কখন যেন নেবে সরে পড়েছে।]

- সুট-টাই : জোবেদা, জোবেদা, কোথায় গেলে জোবেদা?
(চশমাধারীকে) নেবে পড়ল কখন? কোন্ দিকে গেল?
জোবেদা, জোবেদা, কোন্ দিকে, তুমি কোন্ দিকে
গেলে?

[সবাই একটু হতভম্ব]

- ফিরোজ : আমাদের সঙ্গে বুজলকি না!
- লতিফ : বোরখার নীচে ডানা লাগানো ছিল না কি?
- দোকানী : এইটা কি কন? বোরখাপরা থাকলে কি হইব, ভিতরে
একটা মানুষ আছিল। আপনারা যে এলাহী কাণ্ড শুরু
করছিলেন সব দেইখা-শুইনা মাইয়াটার জান উইড়া
যায় নাই? তাজব হওনের কি আছে? জানের লাগে
পংখীও ডরের চোটে উইড়া পলাইছে। এর মধ্যে
তাজব হওনের কি আছে?
- সুট-টাই : জোবেদা, জোবেদা! (বলতে বলতে, কিছুটা ব্যস্ত উদ্ভাসের
মতো বেরিয়ে যায়। পেছনে পেছনে চশমাধারীও চলে যাবে।)
- পাণ্ডা : লোকটা পালালো না তো। সব যেন কি রকম
এলোমেলো হয়ে গেল!

কিরোজ : লতিক, তুই বা দিকে যা। খুঁজে দেখ, বোরখার বোঁচকাটা কোন দিকে পালালো। আমি সাহেবের পেছন নিচ্ছি। (দলহিকে) এখন আর গাধার কানের মতো খাড়া হয়ে থেকে ফয়দা কি! ছুশ্‌ম তো পালিয়েছে। (লতিক ও কিরোজ, ছুশ্‌মের হু দিক দিয়ে গ্রহণ।)

মুছল্লী : শালারা জবর ধোঁকা দিল তো! বেইমান সি. আই. ডি. সেজে আমার চোখে ধুলো দেবে! বদমায়েশী করে বলবে ফিটকলামনীকে করেছি, আর ধরা পড়লে, সি. আই. ডি. বলে সাধু সাজবে। আবার সব শেষে ছমকী পর্যন্ত দিয়ে যায়। ষ্টেট-উট বৃষ্টি না, আমি একাই তোমাদের শায়েস্তা করব।

[লতিককে অহুসরণ করে নিষ্কাশ]

রসিক : কি জ্ঞান আহরণ করলে ওস্তাদ ?

ফকড় : আগামীকাল বিশ্ববিদ্যালয়ের করিডোরে প্রয়োগ করে দেখাব, বিশ্বাসঘাতকতা না করলে তোকেও দলে টানতে পারি।

রসিক : হাত মেলা।

[একপক্ষে ছুশ্‌ম বেরিয়ে যায়]

মহিলা : বোরখার নীচে ছিল কি? পুরুষ না মহিলা? পঞ্চম-বাহিনীর একজন যে, একথা মনে জাগল কি করে?

পাণ্ডা : সব সময়েই সতর্ক থাকতে হবে তো। শিশু রান্ধি, কখন কোন্ দিক থেকে গা ঢাকা দিয়ে কে কি মন্তব্য নিয়ে এসিয়ে আসছে, ওঁৎ পেতে বসে আছে, কে জানে! সব সময় সাবধান না থাকলে চলবে কেন! (একটু পরে গিয়ে) শালারা আঁগরই ছিল না ফিকুথ করামনিষ্ট?

[বিড়বিড় করতে করতে বেরিয়ে যায়]

মহিলা : মেয়েটার জন্মে আমার কষ্ট হচ্ছে। আপনার ?

অভিনেতা : আপনারই হচ্ছে, আর আমার হবে না ?

মহিলা : রাষ্ট্রীয় নিরাপত্তা বিপদগ্রস্ত হচ্ছে ঐ জন্ম, না মেয়েটা পালিয়ে আবার কোনো নতুন বিপদে পড়তে পারে সেই আশঙ্কায় ?

অভিনেতা : কোনটার জন্মই নয়। আপনি বেশী চিন্তিত হয়ে পড়েছেন, যে কোনো কারণেই হোক, আপনি মনে মনে দুঃখ পাচ্ছেন—ভেবে, আমিও ছুঃখিত।

মহিলা : খ্যাংকস। চলুন এখন এগোনো যাক।

অভিনেতা : আধ মিনিট। সিগারেটটা নিয়ে নি। দেখি—(দোকানীর কাছ থেকে সিগারেট নিতে নিতে।) আচ্ছা ঐ লোক ছোটো সত্যি সি. আই. ডি. র লোক ছিল নাকি, না এমনি বদমাশ লোক বেকায়দায় পড়ে ভাণ করছিল ?

দোকানী : ক্যাংহায় কমু! বোরখা পরলেই মরদ যদি আঁগরং হইবার পারে তবে আঁগরং দেখলে গুণ্ডা সি. আই. ডি. হইবার পারব না ক্যান? রক্তের গছ পাইলে বাঘ বেচায়েন হয় না? সবই এক জাতের সাব—।

[অভিনেতা ও মহিলা শিল্পীর গ্রহণ। দোকানী মহিলার নিজস্ব এক চোখ ছোট করে রসিয়ে রসিয়ে দেখে।]

হালায় বোরখা পরাইয়া দিলে মাইয়ায় মাইয়ায়ই বা করাগ কি! সবই এক জাত!

[নিজের জীবনদর্শনে নিজেই উদ্ভাসিত]

য ব নি কা